



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

Complectens copiosè Resolutiones Theologicas, etiam modernas, ad
proxim accommodatas

Archdekin, Richard

Antverpiæ, 1682

Caput 2. De pertinentibus ad secundum Præceptum: Non assumes nomen
Domini &c.

urn:nbn:de:hbz:466:1-40873

shedulas, ligaturas, libros, aliaque impiæ artis instrumenta comburant. Si autem chirographum aliquod dæmoni tradiderint, non est absolute necessarium, ut recipiatur, quia pactum illud per pænitentiam dissolvitur. Tertiò, ut prominent efficaciter quantum poterunt damna alijs illata resarcire.

C A P U T II.

De pertinentibus ad secundum Praeceptum.

Nunquid nomen Domini ēc.

§. I. *De Blasphemia.*

1. **B**lasphemia est maledictio sive contumelia in Deum: ut si quis Deum vocet tyrannum, aut injustum, aut dicat se aliquid Deo invito facturum. Blasphemia non admittit parvitudinem materiæ, sed semper est peccatum mortale, quoties liberè profertur.

2. Peccatum blasphemiae est etiam in Sanctos, aut res sacras contumeliam dicere, si proferatur in Sanctos, ut Sancti sunt. Non enim esset grave peccatum dicere de aliquo Sancto, quod fuerit ignobilis, futor, indoctus, &c.

3. Si quis in iracundia, indignando non Deo, sed homini, nominet Sacraenta, vulnera Christi, & similia sine aliorum scandalō, non erit illa blasphemia, sed vana usurpatio sacri Nominis, & facile potest esse tantum veniale, ut docet Cajet. Sanc. &c.

4. Maledicere vento & pluviae, quā affligimur: aut diei & loco, in quo nati sumus: aut equis & jumentis, ut faciunt rustici aut aurigæ, si

T 5

sistat

442 Pars 2. tract. 5. cap. 2. De pertinentibus
sistat maledictio in sola creatura sic ut tantum
ipsi malum imprecemur , non est per se lethale
peccatum : si autem indignatio tendat contra
Deum, aut contra creaturas illas, quatenus sunt
instrumenta Dei, committitur grave peccatum:
quod si optemus creaturas destrui cum gravi
damno proximi, peccatum est contra charitatem.

5. Verba quæ tantum dubiè videntur sonare
aliquem contumeliam contra Deum, & possunt
facilè in alio sensu accipi , non debent censeri
verba blasphema , si absit prava intentio. Quia
verba in dubio non sunt accipienda , ut sonent
delictum, non enim præsumitur delictum , nisi
de eo constet Bonac. Castrrop. Tambur. lib. 2. c. 6. §. 4.
n. 19. Decet tamen à talibus verbis tanquam pe-
riculosis studiosè cavere.

6. Sed quæres primò . Quid censendum de pa-
rentibus aut alijs, qui sèpè suis liberis & amicis
dæmonem, & damnationem imprecantur ?

Respondeo, non esse blasphemiam, sed diram
imprecationem, quæ plerumque ob subitam iram
& inadvertentiam , ac defectum seriae voluntatis
veniale peccatum non excedit, nam plerique,
si interrogentur, dicent se nullo modo voluisse,
ut malum illud alteri eveniret. Bonac. Navar. Tol.
Regin. Balliol. d. 25. n. 10.

7. Quæres 2. Quid judicandum de illis, qui fre-
quenter ex prava consuetudine verba blasphem-
ia inadvertisenter proferunt ? Quidam censem
singulis vicibus mortaliter peccare. Alij tamen
docent illos tantum peccasse in causa, dum con-
suetudinem illam cum advertentia contrahe-
rent , & nunc tantum peccare omissione dilig-
gentiae ad extirpandam consuetudinem vitiosè
contractam , de qua à Confessario serio mo-
nendi sunt , etiam aliquando cum dilatatione
absolu-

absolutionis, si aliter non appareat emendatio. Ita Diaña part. 3. tract. 5. resol. 65. & part. 10. tract. 14. resol. 13. citans Suarez, & sex alios. Item Leander de juramento disp. 5. quest. 18 cum alijs quibus non apparet quomodo verba illa, sine ultra advertentia malitiae prolata, possint esse per se formalia peccata, magis quam eadem verba in somno, aut ebrietate prolata, cum hic & nunc dum proferuntur absit omnis notitia & advertentia malitiae, adeoque desit tunc libertas illa quam ad merendum & demerendum omnes requirere debemus.

8. Pro blasphemia, in Confessione gravem intragendam esse paenitentiam diserte statuit Conc. Lateran. & Trid. Sess. 14. cap. 8.

Olim in Iure Canoni co Cap. sanctimus de maledicis, statutum est, ut si quis contra Deum, aut Sanctos publicè blasphemaret, per Episcopum suum his paenitentiis subiiceretur, ut septem diebus Dominicis praeforibus Ecclesiae palam, dum aguntur Missarum solemnia, existat, & ultimo die pallium & calceamenta non habeat, & sextis quibusque feriis intra illud tempus in pane & aqua jejunet, &c. Nunc vero quoad proxim spectandæ sunt constitutiones, & confuetudo propuniendis blasphemis in varijs locis recepta, ut cum alijs advertit Azor, & Chastropelanus disp. 2. parr. 2. §. 5 Viget autem in Hispania haec consuetudo, ut si homo ignobilis proferat blasphemias hereticales, producatur in publicum cum galero papyracco, collum ligatus fine, lingua ligata palo, sine pañib, nudis pedibus, & flagellatus tandem mittitur in exilium. Ex quibus patet blasphemum non debere mirari, si salrem a suo Confessario non nihil severè tractetur.

§. 2. De Iuramento.

1. **I**uramentum est invocatio divini nominis in alicujus testimonium. Ac proinde juramentum sancte suscepimus est actus latræ: unde fit ut solùm per Deum verum jurare liceat, qui solus est rerum omnium conscius, & infallibile testimonium prohibere potest.

2. Iuramentum aliud est *Assertorium*, quo confirmatur dictum de præsenti vel præterito: aliud *Promissorium*, quo confirmatur promissum de opere futuro. In juramento promissorio includitur etiam assertorium de voluntate rei facienda.

3. Iuramentum non est dicere: In mea fide, in mea conscientia, in fide Christiani, in fide Religiösi: æquivalent enim tantummodo his: ita est, verum est: neque Deus ut testis invocatur. Nisi per ea verba quis intendat jurare, nam & juramentum ex intentione dependet.

Nec jurare per creaturam, juramentum propriè est, v. g. per animam, per dexteram, &c modò ad Deum non referas, sed tantum per eam, quantum potest, veritatem confirmare intendas, et si tali testimonio abutens à peccato aliquo non excusatetur.

De habentibus consuetudinem jurandi idem ferè dicendum quod suprà de blasphemia, n. 7.

5. Mortale incurrit, qui jurat se facturum, quod credit se facere non posse. Item qui jurat falsum etiam sine animo jurandi: tum etiam qui jurat aliquid promittendo, sine animo promittendi. Quia ipsa forma juramenti falso suscepta est gravis in Deum irreverentia. S. Thom. 2. 2. q. 97. a. 7. Less. Bonac. &c. Peccat etiam graviter

ter qui jurat rem dubiam tanquam certam.
Suar. Angel. Navarrus c. 12. n. 7.

6. Qui jurat facturum se aliquod opus leviter malum, peccat plerumque tantum venialiter; si vero id jurat sine animo faciendi, peccat mortaliter. Bonac. &c. Ratio prioris est, 1. quia sic jurans nullo modo Deum adducit in testem falsi: Supponitur enim habere animum committendi illud veniale, quamvis exequi non teneatur, sed potius omittere. 2. Juramentum illud non continet gravem irreverentiam: quia et si non sit apta juramenti materia, non est tamen graviter inepta, quod patet, nam jurare se facturum rem mere indifferentem est tantum veniale, eo quod sit materia leviter non apta, uti satis constat: at qui materia venialis non excedit indifferentem nisi excessu veniali: ergo illius ineptitudo sive irreverentia in ordine ad juramentum est tantum venialis. Quis facile censebit reum fieri ignis aeterni, qui jurat se velle socio auriculam vellere, aut dicturum illi verbulum injuriosum, aut erectum obulum non redditurum, quod novit venialiter malum. Sic etiam censet Cajetanus in summa de juramento, Sylvester, Sotus, Navarrus, Covar. Valentia, Suarez, Sayrus, Fagundez, Baffæus, Azor, Leander plures citans, & hoc longè probabilius affirmans,

de juramento disp. 7. quest. 37. Addidi tamen, plerumque, quia possint in aliquo singulari causa intervenire tam notabiles circumstantiae, ut irreverentiam gravem, vel etiam scandalum arguere possint.

7. Rem levem in juramento promissam non praestare, mortale non esse, v. g. servum aut prolem non castigare, uti probabilius docet,

Sanch.

Sanch. Laym. Sylvester, Antoninus, Navarus, Sotus, Contra Cajetanum in *summa ver. perjurium*, Toletum, Gabrielem, Tabienam *ver. juramentum*, Fumum, Valenciam, & Lessum de *just. lib. 2. cap. 42. dub. 5.* cuius ratio mihi magis solida videtur: quia ejusdem rationis est falsum reddere id quod Deus antea testatus est per juramentum promissorium, & facere ut Deus in praesenti falso testetur uti sit in juramento assertorio, quod semper est grave. Nam quod veritas juramenti promissorii tantum sit futura pendens ab ipso jurante, non facit quo minus æquè teneatur efficere ut verum sit quod juravit se facturum: quamdiu saltem res promissa non remittitur, aut honesta manet, de quo infra. Certum vero hoc est, ut levissimum sit, quod vel negando, vel affirmando scienter juras falso, esse mortale.

8. Si quis se juret facturum, quod postmodum non decet, non tenetur. Nec si juravit alterius causâ, qui fieri non vult quod promissum est. Nisi simul ad honorem Dei jurasset: tunc enim videtur voti locum tenere. Etsi hic etiam, ut volunt quidam, non teneatur, si ille cuius fieri intereat, obligationem remittat; ut si quis ad Dei gloriam jurasset, se pauperiam certam in uxorem ducturum, eaque relaxet promissum.

9. Fraude inductus ad jurandum, quam si novisset non jurasset, non tenetur. At extortum vi juramentum de re non illicita obligat, nisi vel relaxetur, vel sit de Matrimonio ex metu, qui cadat in constantem virum, ad id obtinendum incusso.

10. Juramentum de re imprudenti, indifferenti, aut melioris boni impeditiva, non obligat:

ligat: quod postremum merito sic intelligunt nonnulli, nisi juratum sit in alterius favorem, v. g. ducere aliquam: non enim potes id posteà omittere ob solum continentiae desiderium.

11. Jurans facere certo tempore, si non potest, tenetur posteà, nisi ad solum illud tempus juramentum alligare voluerit.

12. Jurans non obligatur ad ea, de quibus si cogitasset, ea non intendisset in aliis quæ promittebat includere, sed exclusisset: nec etiam obligatur, si id accidat, quod si fuisset juramenti tempore, pro temerario haberetur.

13. Si procurator ex speciali mandato tuo protejuravit, teneris ejus juramento, *Leland. Sa. alioque.*

14. Juramentum de celando secreto, intelligitur, nisi alteri magis noceat secretum non aperiri.

15. Juramentum servandi omnia statuta, intelligitur si sint licita, & nisi abrogentur.

16. Civitatis juramentum, si pars major non servet, nec reliqui servare tenentur. Non enim pro tali casu præsumantur cives se obligasse.

17. Juramentum impuberis, patre contradicente irritatur. Potest etiam pater irritare tale juramentum filii, et si speciem voti habeat, ut potest ipsa vota: sic & quisque indirectè jura menta subditi, de rebus sibi subjectis, si velit, irrita reddit.

18. Juramentum à se factum ad Dei gloriam potest quisque commutare, in rem apertè meliorem, non si factum sit homini. *Tolet. Sanch. alioque.*

19. Qui juravit non petere dispensationem
Yoti,

voti, vel juramenti, vel eâ non uti, poterit rem Superiori indicare, si sic ratio postulet, & si is dispensationem dederit, eam liberè accep-
tare. *Sylvester u. juramentum.*

20. Qui ex privilegio possunt dispensare in votis, vel ea commutare, non propterea idem possunt in juramentis. *Navar. cap. 27.*

21. Etsi Episcopus possit dispensare in juramen-
tis Pontifici non reservatis, causa tamen proportionata requiritur, ut dispensatio sit valida. Non requiritur tamen illa in juramen-
ti irritatione, ut hæc fiat validè, sed tantum
ut fiat licitè.

Quæstio sat difficultis est, An qui juravit redi-
re ad carcerem, quo injustè detinetur, obli-
getur ad redditum, si subsit probabile pericu-
lum mortis injustæ postea infligendæ? Resp.
Sententiam ab authoritate esse utrimque valde
probabilem. Teneri ad redditum docet *Suarez,*
Lessius, *Layman,* aliquique quos citat & sequitur
Sanchez lib. 3. in Decal. cap. 11. n. 32. Admittit
tamen *Suarez* & *Sanchez* cum aliis quos citat
ibidem n. 35. Episcopum posse illud juramen-
tum relaxare, & sic obligationem redeundi
tollere, quia jus vitæ præbet justam causam re-
laxandi. Negat verò absolute tali casu ad re-
ditum teneri, *Vasquez 1. 2. q. 96. art. 5.* *Navar-*
rus, *Fabiena,* *Sylvester,* & plures Juristæ, nec
non *Diana,* *Tamburinus,* *Reginaldus,* *Engundez*
lib. 2. in decal. cap. 13. n. 10. aliquique quos citat
Leander tract. 1. de juram. disp. 10. q. 21. Quia,
inquiunt, juramentum de tali re esset temera-
rium, quod non obligat, esset enim vinculum
iniquitatis, in ordine ad mortem injustè infé-
rendam.

Excipet tamen tale juramentum, quod fieret
ab

ab eo qui ob Religionem captivus detineretur, vel etiam apud Turcas, vel in alio casu quo ex omisso ad carcerem reditu nasceretur magnum scandalum, aut contemptus Religionis: idque admittit *Navarrus*, *Diana*, *Tamburinus*, *Lander loco citato*, & plures etiam secundæ sententiæ Authores.

Quæres, quænam personæ ad juramentum suscipiendum in judicio admittantur?

Respondeo, Non admitti, jure saltem communi, pueros, aut puellas ante annos pubertatis, qui sunt in pueris 14. in pueris 12. In causis autem criminalibus non admittuntur minores viginti annis, ut constat ex lege *inviti ff. de testibus*. Repellitur etiam qui antea fuit perjurus *Cap. parvuli 22. q.5.* Et Apostata *Cap. alieni 3. q.4.* Et inimicus, aut malevolus, *Cap. cum oporteat, de accus.* Excluditur etiam communiter qui est socius criminis, aut infamis, aut consanguinei, & affines usque ad quartum gradum illius pro quo est testimonium dandum, ex *Cap. similiter, de testibus &c.* Et specialiter Sacerdotibus interdictum est in judicio ex levi causa juramentum præstare, ex *Cap. si quis presbyter 2, q.4.* Quia causa non gravi sola testificatio sacerdotis debet esse fide digna sine juramento. Possunt tamen in judicio juramentum præstare in causa magni momenti; in quo sufficit Sacerdoti proprium pectus tangere, extra aliquos casus qui excipiuntur *Cap. si quis presbyter. supra.*

§. 3. De voto.

I. **V**otum est promissio deliberatè Deo facta de bono meliori. Ea deliberatio requiri-

490 Pars 3. tract. 5. cap. 2. De perin.
quiritur ad obligationem voti, quæ requiri solet ut quis peccet mortaliter.

Sed quid si post emissum votum dubitetur a votens habuerit sufficientem deliberationem, & usum rationis? Si votum ante septimum aetatis annum, in tali dubio non obligatur? quia possessio stat pro libertate, nec presumitur in illa aetate habuisse sufficientem deliberationem. Si vero post septennium votum; non obstante tali dubio manet voto obligatus: quia possessio stat pro voto, & presumitur usus rationis, nisi satis constet oppositum: ita Sanchez, Diana, & Doctores communiter.

2. Non obligat votum de re vana, aut impeditiva majoris boni, neque de re indifferenti, nisi bono fine cohonestetur. Quia Deus talia vota tanquam vana non acceptat, ut docet *Navarrus cap. 12. aliisque*.

3. Tenetur voto qui intendit votare, etiam si non intendat implere: qui vero se non intendit obligare, non videtur intendere votare; hoc ei ipso, nam quo quis votet se obligat; uti qui promittit, obligat se hoc ipso quo promittit. Peccat tamen, & secundum quosdam mortaliter, votans sine animo se obligandi.

Quæstio est, An validum sit votum, aut iuramentum nunquam peccandi venialiter? Resp. negativè, quia est de re moraliter impossibili, spectata communi hominum imbecillitate. Sed quid si sit votum de certo veniali, v. g. nunquam mentandi? Resp. votum illud validum, & saepè laudabile esse: quia per insignem diligentiam est moraliter possibile cum ordinaria Dei gratia ab omni mendacio abstinere, ut admittit etiam *Lessius, Sanchez, Suar. de voto cap. 3.*

Sed

Sed quæres, an idem sit de voto vitandi omne prorsus verbum otiosum, aut omnem distinctionem in oratione? Affirmat esse validum Cajetanus 2. 2. q. 88. act. 8. & quidam alii, Respondeo tamen, multò probabilius, esse invalidum: quia lingua est tam lubrica, & phantasia tam instabilis, ut moraliter impossibile sit in illis cohibendis omnem negligentiam semper evadere. Constat quidem S. Teresiam emissoe votum semper faciendi quod judicaret Deo acceptissimum: sed ad hoc opus erat gratiæ prorsus rarissimæ, & ad cooperandum gratiæ, rara avis in terris erat Teresia.

4. Quoad votum ex metu, probabilius est Votum factum metu gravi, ad id non justè incusso non valere, nisi firmetur juramento: scilicet est si metus justè incutiatnr.

5. Votum puellæ ob metum Patris reverentialem non valere quidam probabiliter afferunt, si præsertim timet ne ab eo alioqui dure tractetur. *Navar. c. 25. n. 51. Et c.*

6. Qui vovit solum ingredi Religionem, si in Novitiatu ea non placet, potest exire, et iam si vovisset animo perseverandi: sic enim institutus est, & intelligitur ingressus Religionis.

7. Violare votum de re levi, aut de vitando aliquo veniali, est solum veniale peccatum. *Navar. n. 40. Layman cum communi*, quod confirmatur in levi violatione paupertatis, aut obedientie religiosæ: contrarium de juramento plures docent.

8. Non est plerumque in potestate voventis se obligare sub mortali, aut veniali peccato; obligatio enim pro qualitate materiæ quam vovet gravis, aut levius incurritur.

Vota

Vota emissa ex errore non obligant, si error fuerit circa substantiam rei promissæ, vel circa conditionem substantialem, vel circa finem si-
ve motivum vovendi. Hinc error circa sub-
stantiam facit ut non teneatur qui vovit dare
calicem quem putavit esse argenteum, cum ta-
men sit aureus. Error circa finem invalidat
votum offerendi Deo sacrificium in gratiarum
actionem pro recuperata sanitate amici, qui
tamen est mortuus, aut non laboravit. Ita *Les-*
sus, Filius, alii communiter.

9. Non ideo votum non obligat, quia acci-
dit aliquid quod si prævidisses, non vovisses;
sed quia accidit id quod si fuisset ab initio tem-
pore voti, obligationem voto abstulisset; ut si
fiat res impossibilis, aut illicita, aut indifferens,
quæ per se sub votum non cadunt.

10. Votum Sacerdotii, aut votum non nu-
bendi, non est votum castitatis, potestque ab
Episcopo dispensari.

11. Votum de impossibili non obligat, et si
res postea fiat possibilis.

12. Illi possunt irritare suorum vota, quos
diximus posse irritare juramenta, supra §. 2.
n. 17. Qui tamen sine causa irritat alterius vo-
tum in quod consenserat, peccat quidem, sed
valida est irritatio.

13. Etsi Episcopus possit dispensare in suo-
rum subditorum votis Papæ non reservatis, dis-
pensare tamen non potest Parochus. Quia in
hoc non habet jurisdictionem fori externi, *SAA-*
rez & alii communiter.

14. Votum omne ex juris autoritate, com-
mutari potest in votum religionis, quia hoc est
maxime arduum & diuturnum.

15. Potest quis non servare votum, cùm ob-
servā-

servatio vergit in periculum magnum , & non
potest pro dispensatione adiri superior. Excipe
tamen votum continentiae , quæ melior ipsa vi-
ta existimatur.

16. Causa dispensandi esse potest facilitas ni-
mia , sive defectus maturæ deliberationis in vo-
vendo , infirmitas ad implendum , necessitas vel
utilitas , quæ item causæ ad votum commutan-
dum idoneæ esse solent.

17. Papam posse in voto solemni castitatis
dispensare quidam negant , aliqui rectius affir-
mant , utrumque sat probabile Authores ad-
mittunt.

18. Qui potest ex privilegio dispensare , po-
test & commutare , non contra. Dispensatio
autem in voto sine justa causa invalida est , ut
passim admittunt Theologi.

19. Dispensatio aut commutatio voti & ju-
ramenti invalida & injusta est , quando ea ce-
dit in præjudicium tertii , cui per votum aliquod
jus acquisitum est. Sed bene notandum , jus
illud acquisitum non esse , nisi promissio fuerit
acceptata , ideoque posse adhuc votum relaxa-
ri aut commutari , ita Rodric. tom. 2. c. 131. n. 4.
¶.

Quinam autem possint in votis & juramen-
tis dispensare , aut ea commutare , reperies su-
præ in serie Facultatum , par. 3. cap. 5. §. 1.
num. 9.

Quæres , quænam vota sint soli Pontifici re-
servata , sic ut nequeant ab alio , sine eius fa-
cultate relaxari , aut commutari ?

Respondeo , quinque esse vota sic Pontifici
reservata : Votum Castitatis perpetuae , Reli-
gionis approbatæ , peregrinationis ad limina
Apostolorum , & ad S. Jacobum Compostel-
lam.

454 Pars 3. tract. 5. cap. 2. De pertin. &c.
lam; & ad Terram Sanctam. In necessitate
quando non datur recursus ad Pontificem, po-
test in illis Episcopus cum suis subditis dispensa-
re, ita Doctores ex Juris concessione.

Quod si prædicta vota fuerit pænalia, ut, si
fornicatus fuero, voveo in pænam servare per-
petuam castitatem: vel si fuerint conditiona-
lia, ut, voveo peregrinationem Compostella-
nam, si ab hoc morbo convaluero: talia vo-
ta non censentur reservata etiam post imple-
tam conditionem. Quia non sunt emissæ ex vir-
tute Religionis, sed vel pænæ explendæ, vel
sanitatis obtainendæ gratiâ: reservatio autem
cum sit odiosa rigidè interpretanda est. Pote-
runt itaque talia vota relaxari ab iis qui facul-
tatem habent dispensandi aut commutandi alia
vota, ut docet Cajetanus verbo, *Votum* n. 6.
Medina, Lopius, Aragonius, Palacius, & plu-
res Theologi recentiores.

Questio est inter aliquos Recentiores, An si
obstrictus voto castitatis sine delectatione pro-
pria, alium suo contactu ad pollutionem im-
pellat, teneatur in confessione circumstantiam
sui voti explicare?

Non desunt authores qui sustinent partem
negativam; eo quod talis in seipso nullam po-
nat actionem venereum castitati suæ contra-
riam. Respondeo tamen illum esse voti tran-
gressorem, & teneri obligationem talis voti in
confessione exponere. Quia vovit abstinere ab
omni actu venereo, ac proinde dum actionem
illam in alio procurat, contra voti religionem
operatur.

Nec videtur contraria opinio tutò sustineri,
cum ea jussu supremi Tribunalis Fidei expun-
cta fuerit ex summa Hieronymi de Lamas anno
1640. CA